

ԿԱԹՈՂՈՍԿՈՍՈՒԹԻՒՆ ՀԱՅՈՑ ԿԻՆԻԿՈՑ

Շրջաբերական

Հ. Բ. Ը. ՄԻՈՒԹԵԱՆ 1933 ՏԱՐԻՈՅ ՄՇԱԿՈՅԹԻ ՕՐՈՒԱՆ ԱՌԹԻԻ

Սիրելի ժողովուրդ Հայոց.

Հ. Բ. Ը. Միութիւնը անցեալ տարիէն սկսեալ Որբերու Կիրակին փոխեց ՄՇԱԿՈՅԹԻ ՕՐՈՒԱՆ, եւ այդ առթիւ հանգանութիւն մը բացաւ ի նպաստ իր կողմէն կառավարուած եւ օժանդակուած Հայ դպրոցներու:

Բարեգործականը այս տարի եւս, Դեկտեմբերի առաջին Կիրակիէն սկսեալ պիտի ընդունի Ձեր նուէրներն ու նպաստները միեւնոյն նպատակով, եւ մենք ջերմապէս կը յորդորենք Կաթողիկոսութեանս սահմաններուն մէջ գտնուող բոլոր հայերը որպէս զի իրենց սրտաբուխ եւ զուարթաւատ նուէրները տան Բարեգործականի Տեղական Մասնաժողովներուն կամ անոնց կողմէ նշանակուած հանգանակիչ մարմիններու եւ անձերու, նոյն ինքն ազգին զաւակներուն կրթութեան համար:

Մեր ազգին մէջ Հ. Բ. Ը. Միութիւնը այն միակ Համազգային կազմակերպութիւնն ու ընկերութիւնն է որ առանց կոյս ու կողմ խտրելու, կ'արդարացնէ իր անունը՝ վերադարձնելով Ձեր նուէրներն ու նպաստները բազմապատիկ եւ թաթաղուն չափով:

Առիթն օգտուելով կոչ կ'ուղղենք մեր Սիրելի ժողովուրդի ա'յն բոլոր զաւակներուն, որ դրամ կը վաստկին, իրենց վաստակէն կանոնաւոր բաժին հանեն Բարեգործականին՝ անդամագրուելով անոր եւ կանոնաւորապէս վճարելով իրենց անդամական տուրքը ամէն տարի:

Պարտք կը դնենք մեր թեմակալ Ս. Եպիսկոպոսներու, Քահանաներու եւ Առաջնորդարաններու շուրջ կազմուած բոլոր պաշտօնական մարմիններու վրայ, որպէս զի օգնեն Բարեգործականի ազգօգուտ ձեռնարկներուն, յորդորեն ժողովուրդը որ անդամ ըլլան Բարեգործականին, եւ իրենց պարտականութիւնները կատարելով օրինակ հանդիսանան ուրիշներու:

Ըստ Ազգ. Սահմանադրութեան, պաշտօնական մարմիններու պարտականութիւնն է բաջալերել ազգօգուտ ձեռնարկները եւ նպաստել անոնց յաջողութեան:

Բարեգործականը Հայ ժողովուրդին Միութիւնը խորհրդանշող միակ կազմակերպութիւնն է, իրագործենք զայն մտնելով այդ Միութեան մէջ, զօրացնենք զայն որակով եւ քանակով, որպէս զի ատով զօրանան մեր դպրոցները եւ հոգացուին մեր ազգային ուրիշ պէտքերը:

ՄՇԱԿՈՅԹԻ ՕՐԸ մեր սիրելի ժողովուրդին համար թո՛ղ ըլլայ իր սէրը, իր համոզումն ու հաւատքը գործնականապէս արտայայտելու օր մը՝ հանդէպ Բարեգործականի:

Կը հայցենք աստուածային օրհնութիւն բարի գործերու եւ Բարեգործականի վրայ:

Կը մաղթենք յաջողութիւն անոր բոլոր գործիչներուն համար, եւ մեր հայրական սէրն ու ողջոյնները նուիրելով մեր սիրելի համայն ժողովրդեան,

Մնամք աղօթարար

1933 Նոյեմբեր 21

ՍՍ.ՀՍ.Ս. Բ. ԿԹՂ.Ս. ԿԻՆԻԿՈՑ

Հայկալ

ԱԹՈՌԱԿԻՑ ՆՈՐԻՆ ԲԱՐԳԻՆ ԿԹՂ.Ս.

1214-2010

26-ԱԶ